



**KANTONALNA JAVNA USTANOVA**  
**„DOM ZA SOCIJALNO ZDRAVSTVENO ZBRINJAVANJE**  
**OSOBA SA INVALIDITETOM I DRUGIH OSOBA“**  
**SARAJEVO, Nahorevska 195**

---

Broj: 28-2073/21  
Datum: 16.12.2021.

Na osnovu člana 17., 18., 21., 28. Zakona o javnim nabavkama („Sl. glasnik BiH“, broj 39/14), direktor KJU „Dom za socijalno zdravstveno zbrinjavanje osoba sa invaliditetom i drugih osoba“ donosi:

**POSEBNU O D L U K U**  
**o pokretanju postupka javne nabavke**

**Član 1.**

Zbog krajnje hitnosti uzrokovanom raskidom Okvirnog sporazuma za nabavku svežeg voća i povrća od strane dobavljača „Bios“ i poništenjem otvorenog postupka iz razloga što su cijene svih prihvatljivih ponuda znatno veće od osiguranih sredstava za predmetnu nabavku – član 69. stav 2. tačka e) Zakona o javnim nabavkama BIH (Odluka o poništenju broj: 28-1993-1/21 od 03.12.2021.), donosi se ova posebna odluka o pokretanju postupka javne nabavke roba - svježeg voća i povrća za potrebe korisnika.

Javna nabavka će se provesti putem **pregovaračkog postupka javne nabavke bez objavljivanja obavještenja o nabavci.**

Procijenjena vrijednost javne nabavke (bez PDV-a) iznosi **42.735,00 KM** i to za period od najviše jedne godine dana.

Za provedbu javne nabavke planirana su sredstva u Dokumentu okvirnog budžeta KS za period 2022-2024 godine.

Predviđa se zaključenje ugovora sa jednim ponuđačem na period do okončanja otvorenog postupka nabavke, a najkasnije do 31.12.2022. godine.

Postupak javne nabave provest će se u skladu sa Zakonom o javnim nabavkama, podzakonskim i internim aktima.

Posebna odluka se donosi iz razloga blagovremenog ugovaranja isporuke voća i povrća za 2022. godinu, ne čekajući donošenje Plana javnih nabavki za 2022. godinu.

**Član 2.**

Ova odluka stupa na snagu danom donošenja.

**O b r a z l o ž e n j e**

Posebnu odluku o pokretanju postupka javne nabavke je potrebno donijeti jer u Planu javnih nabavki KJU „Dom za socijalno zdravstveno zbrinjavanje osoba sa invaliditetom i drugih osoba“ Sarajevo za 2021. godinu nije planirana predmetna nabavka.

Članom 21. Zakona o javnim nabavkama Bosne i Hercegovine („Sl. glasnik BiH“ broj 39/14) propisano je da Ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci, pa je tačkom d) propisano da izuzetno, u slučaju da se zbog dokazivih razloga krajnje hitnosti, prouzrokovane događajima nepredviđenim za ugovorni organ, ne mogu ispoštovati zakonom utvrđeni minimalni rokovi za otvoreni postupak, ograničeni ili pregovarački postupak sa objavom obavještenja, a razlozi kojima se opravdava izuzetna hitnost postupka ni u kom slučaju se ne dovode u vezu sa ugovornim organom.

Usljed raskida Okvirnog sporazuma od starne odabranog dobavljača OPPPUZ „B I O S“ Visoko sa danom 31.12.2021. godine (a koji je najavljen u mjesecu oktobru 2021. godine), jer nisu u mogućnosti nastaviti isporuku robe iz zaključenog Okvirnog sporazuma o nabavci i isporuci svježeg voća i povrća zbog naglog porasta cijena na tržištu Bosne i Hercegovine, bilo je neophodno provesti novi postupak javne nabavke. Ovaj ugovorni organ je pokrenuo Otvoreni postupak predmetne javne nabavke ali je isti iz razloga što su cijene svih prihvatljivih ponuda znatno veće od osiguranih sredstava za predmetnu nabavku – poništio Odlukom o poništenju broj: 28-1993-1/21 od 03.12.2021.

Obzirom da važeći Okvirni sporazum prestaje sa 31.12.2021. godine, da je novi postupak nabavke(Otvoreni postupak) poništen iz gore navedenog razloga, a da se radi o egzistencijalno važnoj nabavci koja je neophodna za normalno i nesmetano funkcionisanje Ustanove za pripremu svakodnevnih obroka za cca 200 korisnika usluga, to se odluka kao u dispozitivu donosi iz razloga krajnje hitnosti, te donošenje iste nije nastalo kao razlog koji se može dovesti u vezu sa Ugovornim organom.

Imajući u vidu sve naprijed navedeno, ostvareni su uvjeti za primjenu člana 21 stav (1) tačka d) Zakona o javnim nabavkama Bosne i Hercegovine („Sl. glasnik BiH“ broj 39/14), da se zbog krajnje hitnosti prouzrokovane događajima koji su prethodno obrazloženi, a nepredvidivi su za ugovorni organ, ne mogu se ispoštovati minimalni rokovi za otvoreni, ograničeni ili pregovarački postupak s objavom obavještenja, te je odlučeno kao u dispozitivu.

Dostaviti:

- Službi za servisne usluge i ishranu korisnika
- Službi finansijsko računovodstvenih poslova
- Službi pravnih i kadrovskih poslova
- a/a

  
**DIREKTOR**  
  
**Hazim Durmišević, dipl.ecc**